



Komunikadu Imprensa

Periodu : Dezembru 2010

Publikasaun : Dezembru 2010

JSMP Hala'o Treinamentu Iha Distritu Manufahi

Iha loron 14 fulan Dezembru 2010, *Judicial System Monitoring Programme* (JSMP) liu husi Unidade Apoiu Legal ba Vítima (*Victim Support Service*) ka VSS, hala'ó treinamentu ba lider komunitária, grupu fetó, juventude no comunidade balun iha Suku Cai-Caissa, Sub-Distritu Fatuberliu, Distritu Manufahi. Partisipante sira kompostu husi mane rua nulu resin hitu (27) no fetó sanulu resin haat (14).

Matéria ne'ebé apresenta iha treinamentu konabá Kódigu Penál no Kódigu Prosesu Penál husi perspektiva vítima violénsia bazeia ba jéneru; inklui mós Lei Nu. 7/2010 konabá Lei Kontra Violénsia Doméstika, Konvensaun Internasional, no Dekreitu Lei no 3/2009 konabá Lideransa Komunitária, knaar ka funsaun husi Autoridade Judisial (Juiz no Prokurador) no Ajente Prosesual (Polisia, no Defensor Públiku / Advogado).

Luis de Oliveira, Diretor JSMP haktuir katak, treinamentu ida ne'e realiza iha Suku refere ho objetivu atu hasa'e kuiñesementu lider komunitária inklui grupu fetó, juventude no comunidade konabá prosedementu sistema justisa formal iha Timór Léste, liu-liu kazu sira ne'ebé iha relasaun ho violénsia bazeia ba jéneru.

Husi treinamentu ida ne'e, partisipante sira antuziasmu liu konabá Lei Kontra Violénsia Doméstika, tanbá lei ne'e bele fo prevensaun no assistensia ba vítima violénsia bazeia ba jéneru, maibé husi parte ida sira mós preukupa lei ne'e bele hasobu/destroi relasaun familia no aumenta tan kazu devorsiu. Tanbá comunidade hare katak lei ne'e rasik la difini gravidade oinsa maka bele kategoria ba krime públiku.

Liu husi opornidade ida ne'e, partisipante sira rekuiñese katak treinamentu hanesan ne'e foin primeira vez realiza iha sira nia Suku ne'ebé maka dook husi kapital no defisil ba sira atu asesu ba informasaun. Tanba ne'e, sira rekomenda ba JSMP liu husi unidade VSS atu kontinua nafatin iha Suku seluk ho Sub-Distritu ne'ebé hanesan. Tanbá siklus violénsia bazeia ba jéneru nia kuantidade aas tebes. Inklui mós ita nia nasaun foin maka dezenvolve ninia sistema justisa formal rasik, hodi nune'e kontinua nafatin hetan informasaun liu-liu prosesu lejislativu ne'ebé maka estabese ona.

JSMP espera katak ho treinamentu ida ne'e bele ajuda lider komunitáriu, grupu fetó, juventude, no comunidade atu halo prevensaun no tulun vítima sira husi violénsia

bazeia ba jéneru hodi asesu ba sistema justisa formal. Iha parte seluk mos bele reduz siklu violensia domestika iha ita nia comunidade nia le'et.

Treinamentu ne'e realiza, hetan apoiu finaseiru husi Governu Australia liu husi Justice Facility nian, treinamentu hanesan ne'e sei kuintinua relaiza iha distritu seluk.

Atu hetan informasaun kle'an favor kontaktu:

Luis de Oliveira Sampaio

Direitor Ezekutivu JSMP

Email; Luis@jsmp.minihub.org

Landline; 3323883/7295795